



लक्ष्मण जमाल 'चिलंमि'  
प्रोप्राइटर

लाखा छें

# LAKHA CHHEN

सोहरखुटे, वडा नं. १६, येँ, फोन नं.: ४३६०७५८

# थुकि दुने



निरन्तरताया हाथ्यालिसें लहनाया न्हयूदँया  
निरन्तर यात्रा  
सुरेन्द्रभक्त श्रेष्ठ -



हिरोइन् जूपिं 'मिस नेपाल'  
विजयरत्न असंबरे -३



उसाँय् बांलाकातयूत जीवनशैलीयात  
भिंकेत

डा. मीरा शाह



## हल्चोक आकाश भैरव

## ब्लो-अप

# कृष्णगोपाल मन्त्री जूगुलिसें नेवाः समाजय् आशा व आशंका

**फास्ट ट्र्याक, सडक विस्तार लगायतया मुद्दा आः छु जुइ ?**

लहना संवाददाता

छह न नेवा: मन्त्री मदुगु मन्त्रीमण्डल  
धका: प्रधानमन्त्री केपी शर्मा ओली नेतृत्वया  
मन्त्रीमण्डलया अतिकं आलोचना जुयाच्चंगु  
दु। नेवा:तयूत उपेक्षा या:गु मन्त्रीमण्डल  
धका: नेवा:तयूसं जक मखु, गैर नेवा:तयूसं  
तकं धायगु यानाच्चंगु ख:। उकिया हे दथुइ  
राज्यमन्त्री कथं छह नेवा: मन्त्रीमण्डल  
दुथ्यात। रामवीर मानन्धर शहरी विकास  
मन्त्रालयया राज्यमन्त्री जुल। आ: ला  
मन्त्रीमण्डलय हेरफेर जूगुलिसं निम्ह नेवा:त  
राज्यमन्त्री जक मखु, फुल मन्त्री हे जूगु दु।  
वमध्ये कृष्ण गोपाल श्रेष्ठ शहरी विकास  
मन्त्रीइ नियुक्त जूगु दु। आ: थ्व संजोग ख:  
कि योजनावद्ध, शहरी विकास मन्त्रालयया  
मन्त्री नं राज्यमन्त्री नं नेवा: हे व:गु दु।  
नेवा:तयगु निरिति थ्व हाथ्या नं जुइफु, छू  
अवसर नं। उकिया नापं शहरी विकास मन्त्री  
व राज्यमन्त्रीयात कया: नेवा: समाजय् आशा  
नं ब्वलंगु दुसा आशंका नं अप्व:गु दु।

शहरी विकास मन्त्रालय धङ्गु  
जनतालिसे तप्यंक स्वापू दङ्गु मन्त्रालय  
खः । नेवाःतय्त रक्षा मन्त्रालय वा गृह  
मन्त्रालय हे ब्यूसां उील च्यूताः मदय्फु । तर  
नेवाःतलिसे स्वानाच्चंगु आपालं विषयत,  
योजनात थ्व हे मन्त्रालयलिसे स्वानाच्चंगु  
दु । अथेजुवाः नं थुगु मन्त्रालयस नेवाःत  
हे वःबलय नेवाःतय् च्यूताः अप्वङ्गु  
स्वाभाविक खः । आः थन विकासे



योजनाया नामय् न्थयानाच्चवंगु यै-निजगढ स्वाङ्गु फास्ट ट्राय्क, सडक विस्तार, स्मार्ट सिटी, स्याटेलाइट सिटी लिसेंया सकर्ता विषय थ्व हे मन्त्रालयलसे स्वानाच्चवंगु दु । अले नेवाःतय्सं थःत विस्थापित याय्गु कथं हःगु कथित विकासे योजना धकाः विरोध यानाच्चवंगु विषय नं थ्व हे खः । आः नेवाः मन्त्रीतय्सं नेवाः भावनायात थुङ्काः योजनाय् ह्थूपाः हइ, नेवाःतय्त विस्थापित मखु, स्थापित याइ धङ्गु आशा नं अप्वःगु दुसा नेवाःतय्त हे हयाः नेवाः विरुद्ध छ्यलेत्यंगु जकं मखुला धङ्गु आशंका नं अप्वःगु दु । थ्व अवस्था धङ्गु शहरी विकास मन्त्री कृष्णगोपाल श्रेष्ठया नितिं छा अग्निपरिक्षा नं खः ।

थुगु अग्निपरिक्षाय् कुब्वाःम्ह कृष्णगोपाल  
आः गुकथं न्हत्याःवनी व धाःसा इलं  
क्यनीगु विषय जुल । आःया वस्तुस्थिती,  
परिस्थितीयात छकः नि दवाले ।

शहरी विकास मन्त्री कृष्णगोपाल  
कार्यभार कःघाय्धुंकाः शनया थीथी  
संघसंस्थालिसे सहलहयात तच्चयुकादीगु  
दु । थ्व हे इवल्य पत्रकरातलिसेया  
सहलहयात न वयुक्लं निरन्तर यानादीगु  
दु । मिडिया सोसाईटी, नेवाः पत्रकार  
राष्ट्रिय दबू लगायतया पत्रकार सम्वद्ध  
संघसंस्थालिसे सहलह यासें मन्त्री श्रेष्ठ  
सल्लाह सुभाक् कायेगु यानाच्चानादीगु दु ।  
थ्व छगू बांलाःगु पक्ष खः । संचारमाध्यम  
वा पत्रकारिता क्षेत्र धइगु समाजयात

स्वयं गु मिखा खः । समाजयात यच्चुक  
स्वयत, समाज दुनेया यथार्थ खँ सीकेत  
पत्रकारतलिसेया खँलाबल्हायात मन्त्री श्रेष्ठ  
गुक्थं निरन्तर न्ह्याकाच्चनादीगु दु, उकिं  
समाजया वास्तविक चित्र सीकेत अःपुइ ।

थ्व हे इवल्यु विशेष याना: नेवा: पत्रकारिपिन्सं स्वनिगल्यु न्थयानाच्वंगु थीथी विकासे योजनायात कया: सुभावा ब्युगु ख: । नेवा: पत्रकारतयुसं तब्यागु सडक व तत:जा:गु आधुनिक भवन जक विकास मखसं थनया सामाजिक, साँस्कृतिक विकास नं यासं स्थानीय जनताया जीवनस्तर थकायेगुपाखे बिचा: यायेमा:गु सुभावा ब्युगु ख: ।

ल्यं ७ पेजय्

## विदेशी च्यानल्य् क्लिन फिड लागू



नेपालय प्रसाण जुइगु विदेशी कथं विदेशी टेलिभिजन च्यानल कात्तिक टेलिभिजन च्यानलय क्लिन फिड लागू जूगु ७ गतेतक्कया दुने क्लिन फिड जुइमाःगु दु। सूचना तथा सञ्चार प्रविधि मन्त्रालय व्यवस्था दु। म्याद लिमछ्यायेगु अडान काय्न् निर्धारित भारतीय ब्रोडकास्टर्स फोरम, डिस्कभरी मिमिटि हे क्लिन फिड लागू जूगु खः। नेटवर्क्स, बीबीसी न्युज, नेपाल केबल

क्लिन्फिड लागू जगुलिसं आः विदेशी  
च्यानलत क्लिन फिड अथे धइगु विज्ञापनमुक्त  
जगू दु । 'विज्ञापन नियमन यायगु सम्बन्धय  
व्यवस्था यायगु लागिं दयकातःगु ऐन २०७६'  
टेलिभिजन महासंघ थें जाःगु सघसंस्थापाखें  
क्लिन् फिड प्रसारणया म्याद थपे यायूत माग  
याःगुलिइ सरकार अस्वीकार याःगु खः ।

**त्यं ७ पेजय**

कथं विदेशी टेलिभिजन च्यानल कात्तिक  
७ गतेतक्कया दुने किलन फिड जुइमा:गु  
व्यवस्था दु।

भारतीय ब्रोडकास्टर्स फोरम, डिस्कभी  
नेटवर्क्स, बीबीसी न्युज, नेपाल केबल  
टेलिभिजन महासंघ थें जा:गु संघसंस्थापाखें  
क्लिन फिड प्रसारणया म्याद थपे याय्त माग  
या:गुलिङ सरकार अस्वीकार या:गु खः ।

ल्यं ७ पेजय्

**कीर्तिपुर नगरपालिका**

नगर कार्यपालिकाको कार्यालय, देवढोका काठमाडौं



## सम्पादकीय



## नक्सा गन तन ?

छुं दिं न्ह्यःतक्क नक्साया विषय क्वानाच्चंगु खः । दक्कले न्हापां भारत नेपाःया सुदूरपश्चिमय् लाःगु भूभाग कालापानी क्षेत्रया कालापानी, लिपुलेक व लिम्पियाधुरायात थःगु राजनीतिक नक्साय् दुथ्याकाः सार्वजनिक यात । वयां लिपा हाकनं नेपालं नं उगु क्षेत्रत थःगु हे खः धासें थःगु राजनीतिक नक्साय् कःघानाः न्हूगु नक्सा जारी यात । नेपालं न्हूगु नक्सा जारी याय्धुंकाः नेपाःमित अतिकं लय्ताःगु खः । ओली सरकारं आःतक्क याःगु ज्यामध्ये दक्कले च्छाय्बहःगु ज्या धकाः सकसिनं लसकुस यात । थुगु विषययात कयाः आः वयाः नेपाःया फुक्क पार्टीतसें छगू हे सः थ्वय्काः कालापानी क्षेत्र नेपाःया भूमि जूगु धाःगु दु । थ्व राष्ट्रियता सवालय् जूगु छगू तःधंगु उपलब्धि खः धाःसां पाइमखु । तर आः उगु नक्सा तनावन । नेपाःया न्हूगु नक्सा वा धाय्, मू नक्सा आः गन खनेदयाच्चंगु नं मदु, अले थुकियात कयाः छुं नं कथंया खँ ताय् दयाच्चंगु नं मदु ।

प्रधानमन्त्री केपी शर्मा ओलीं सर्वदलीय सर्वपक्षीय मुँज्या तर्क सःताः लिम्पियाधुराया कुटियायाइदी खुसि तक नेपाःया भूभाग जूगु निष्कर्ष पिकासें भारतलिसे उच्चस्तरय् राजनीतिक व कूटनीतिक सम्बाद याय्तर सरकारयात सुभाव ब्यूगु दुसा नेपालं अनौपचारिक खँल्हाबल्हास थःगु अडान नं तय्धुंकूगु दु । अथे हे, भारतय् च्वंगु नेपाःया राजदूत नीलाम्बर आचार्य भारतया विदेश सचिवयात नापलानाः थुगु खँय् च्यूताः प्वकेधुंकूगु दु । आः वयाः भारत वार्तापाखें नेपाःया च्यूताः सम्बोधन याय्तर सकारात्मक जूगु सीदुगु दु ।

थुगु खँय् नेतातय्युगु अडान गुलितक क्वातु धइगु खँ भारतलिसे जुइगु कूटनीतिक सम्बादपाखें सीदइ । छाये धाःसा सरकारं भारतं पित्थगु नक्सायात कयाः विरोध बक्तव्य जारी याःगु इलय् हे जनता हाःगुलिं जक जिमिगु ध्यानाकर्षण जूगु धइगु आशय न्ह्यथनातःगु खःसा उगु बक्तव्य ल्हाःचिं तयादीम्हेसिगु नांतकं न्ह्यथनातःगु मदु । खय्त ला बक्तव्य नेपाल सरकारं जारी याःगुलिं नां आवश्यक मजू धइगु खँ दुसा नं बक्तव्य जारी याःम्हेसिगु नां तक न्ह्यथने ग्याःगु खःला धइगु उगु इलय् आशंका ब्वलंगु खः ।

नेपाःया भूभागयात भारतं क्वत्यःगु इलय् नेपालं खास हे च्यूताः तया मच्चंगु यक्व हे दसू दु । करबरं छगू विज्ञप्ति जक जारी यानाः उकिया कार्यान्वयन याय् पक्षय् धाःसा सून्य हे जुयाच्चंगु दु । थुकिया दसूकथं सुस्तायात काय्फु । अनया जनता यक्व हे हालाच्चंसां नं सरकारं थुकिया दिगो समाधानया नितीं गबलें पहल याःगु मदुनि । अथे हे, कालापानीया लागयात कयाः तत्कालीन नेकपा एमालेया विद्यार्थी संगठनपाखें विरोध याय्गु इवल्य कालापानीइ नेपाःया ध्वाँय् तय्यु अभियान न्ह्याकूगु इलय् नं अनया भारतीय सेनातसें उगु लागाय् मछ्वःगु जक मखु, उगु इलय् मूठभेद जूसा उकिया जिम्मेवार स्वयम् विद्यार्थीतसें काय्मालीगु भारत पक्षं जारी याःबलय् नेपाः लिच्यूगु खः । उगु इलय् हे नेपाः सरकार व नेतातसें कालापानी नेपाःया लाग्वा व अनं भारतीय सेनात चिलावनेमाःगु अडान तःगु खःसा सायद उगु इलय् हे समाधान जुइगु खःला ? अथे हे, टनकपुरया बाँधया खँय् नं नेपाःयात बांमलाक्क छ्वावाःगु जुल । थुकियात कयाः आःतक नं नेपालं सः ल्हवनेफूगु मदुनि ।

आः वयाः नेपाःया नेतात छगू हे थासय् दंगु इलय् निश्चित रुपं थुकिया समस्या पाय्छिक्थं जुइ धइगु आशा याःगु दु । थ्व नेपाःया नेतातय्युगु नितीं छगू अग्नि परीक्षा नं खः धाःसां पाइमखु ।

## त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिक्किपिं छ्वयादीगुयात थुगु वाःपतिइ थाय् बियाच्चना । पिदंगु च्वसुयात उचित पारिश्रमिक बीगु नं सुचं बियाच्चना ।

लहना वाःपौ

भोर्छे, यँ

lahana.news@gmail.com

निरन्तरताया हाथ्यालिसें  
लहनाया न्हय्दँया निरन्तर यात्रा

नेवाःतय्युगु नुगलय्, नेवाः पत्रपत्रिकाया पाठकपिनिगु नुगलय् नेवाः पत्रकारिता ख्यःया विकास याय्माः धकाः गबलेतक्क मती लुयाच्चनी, अबलेतक्क लहना वाःपौ पिदनाच्चनी । गबलेतक्क थुकथं सकसिगु ग्वाहालि दयाच्चनी, लहना वाःपौया पुचः अबलेतक्क हे सक्रिय जुयाच्चनी, लहना वाःपौ पिथना हे च्वनी ।



सुरेन्द्रभक्त श्रेष्ठ

नेपालभाषाया पत्रकारिता ख्यलय् पलाः न्ह्याकागु नं धाधां करीब स्वंगू दशक नं थ्यनेधुंकुगु जुयाच्चन । २०४८ सालय् नेपालभाषाया न्हिपौ बिश्वभूमिपाखें नेपालभाषाया पत्रकारीताय् ख्यलय् पलाः न्ह्याकागु खः । माध्यम हिल जुइफु, नां हिल जुइफु तर छुं नं छुं कथं, छुं नं छुं माध्यमं नेपालभाषा माध्यमया पत्रकारिता ख्यलय् पलाः न्ह्यानांतुं च्वन । २०४८ सालय् विश्वभूमि न्हिपौपाखें नेपालभाषाया पत्रकारिता ख्यलय् न्ह्याःगु पलाः थौंतक थ्यबलय् लहना वाःपौया माध्यमं मदक्क न्ह्याना हे च्वंगु दनि । उगु

पिहां वल, तर निरन्तरता बीमफुत । नेवाः पत्रकारिता ख्यलय् पत्रिका पिथनेगु स्वयां निरन्तरता दक्कले तःधंगु हाथ्या जुयाच्चंगु खँ जिं बांलाक वाःचाः । पत्रिका बांलाक न्ह्याकेगु खःसा, निरन्तर पिथना हे च्वनेगु खःसा ब्यावसायीक जुइ माः धयागु मान्यतालिसें जिपिं न्ह्याःवना । नेवाः पत्रकारिता ख्यलय् ब्यावसायीकीकरण विकास याय्गु आज्जुलिसें, नेवाः पत्रकारिता ख्यलय् छगू न्हूगु आयामकथं लहना वाःपौयात न्ह्याकेगु कुतः याना । थ्व खँय् आःतक्कया अवस्थायात दुवालेगु खःसा जिपिं ताःलानाच्चंगु थें ताः ।

ब्यावसायिक पत्रकारिताया दसु कथं नेपालभाषा ख्यलय् छगू हे रंगीन पत्रिका मदुयाच्चंगु अवस्थाय् जिमिसं लहना वाःपौयात न्ह्यःने हय्गु कुतः यानागु खः । नेपालभाषाया रंगीन वाःपौ जूगु हे नं उगु इलय् लहनाया छगू विशिष्टता थें जूगु खः । उकिया नापं जिमिसं पत्रकारपिन्त हनेज्याया नं शुरुवात याना । मेमेपिनिगु योगदानया चर्चा यानाः सम्मान बीकाच्चनीपिं पत्रकारयात सम्मान याय् गपाखें धाःसा सुयां ध्यान मवनाच्चन

नेवाः ख्यः व नेपालभाषा थकाय्तर यो गदान बियाच्चपिनिगु ब्लो अप निरन्तर पिथनावाय । लहना वाःपौ धालकि हे ब्लो अप मिखाय लुयावइ कथं ब्लो अपयात स्थापित नं याय्तर ताःलाःगु खँय् नकारे याय् फइमखु जुइ । ब्लो अपय् फोटो पिथनेत ग्ल्यामरस मनू हे जुइमा, हिरो हिरोइन हे जुइमा धयागु मदु धइगु खँ नं लहना प्रमाणित यानाः क्यन । व कथं लहनाया विस्कं पहः कथं नं ब्लो अपया प्रस्तुतिइ ताःलाःगु थें जितः ताः ।

थुकथं बिस्कं परिकल्पना दय् केगुनिसें कयाः परिकल्पनायात मूर्त रुप बियाः प्रस्तुत याय्गु अले लेख, रचनानिसें कयाः पत्रिकायात माःगु सामग्री मुंकेगु खँय् यक्वसिगु ग्वाहालि दु । व्यवस्थापक व प्रकाशकया कुतलं जक लहना वाःपति न्यादँया यात्रा पूर्वकेफुगु मखु । लहना वाःपौ थन तक थ्यंकेगुलिइ यक्वसिगु ग्वाहालि दु । छगू टिमवर्कया रिजल्ट खः, लहना वाःपौया न्यादँया यात्रा । लहना न्यादँया यात्रा पूर्वकूगु दिनय् नं मनूतय्सं न्यनेगु याः, धाय्गु याः, 'छिमिसं थुकथं गुलितक्क



इलय् छम्ह कर्मचारीया रुपं न्ह्याःगु पलाः थौं लहना वाःपौया संचालक कथं मदक्क न्ह्यानाच्चंगु दु ।

थौं स्वयां न्यादँ न्ह्यः २०७० फागुन २७ गते पासापिनिगु खँल्हाबल्हाया इवल्य नेपालभाषाया पत्रकारिता ख्यलय् न्हूगु सोचलिसें, न्हूगु कथंया छगू वाःपौ पिथनेगु खँ वल । पासापिनिगु मंकाः कुतलं छगू बिशिष्टकथं लहना वाःपौ पिथनेगु बिचालं मूर्त रुप नं काल व लहना वाःपौ पिदन । बिश्वभूमिइ ज्या यानागु इलनिसें मुंकातयागु अनुभव अले पासापिनिगु हे ग्वाहालिं ब्यवस्थापकया भूमिका मिहताः पिथनागु लहना वाःपौ थौं पासापिनिगु हे ग्वाहालिं यानाः न्यादँ फुनाः खुदं थ्यंग दु ।

नेपालभाषाया दक्कले न्हापांगु पत्रिका पिदंगु नं सच्छि दँ धइथें थ्यनेधुंकल । वि.सं. १९८२ सालय् धर्मादित्य धर्माचार्य पिथंगु बुद्धधर्म व नेपालभाषा पत्रिकानिसें नेपालभाषा पत्रकारिताया यात्रा न्ह्याःगु खः । उगु इलनिसें आःतक्क स्वल धाःसा आपालं न्हिपौ, वाःपौ, लय्पौ, दँपौ पिदन अले दिनावन । यक्व हे नेवाः पत्रिकात

थौं स्वयां न्यादँ न्ह्यः २०७० फागुन २७ गते पासापिनिगु खँल्हाबल्हाया इवल्य नेपालभाषाया पत्रकारिता ख्यलय् न्हूगु सोचलिसें, न्हूगु कथंया छगू वाःपौ पिथनेगु खँ वल । पासापिनिगु मंकाः कुतलं छगू बिशिष्टकथं लहना वाःपौ पिथनेगु बिचालं मूर्त रुप नं काल व लहना वाःपौ पिदन ।

ला धइथें तायाः जिमिसं योगदानया कदर कथं पत्रकारया सम्मानया शुरुवात याना । पत्रिका पिथनेगुलिसें पत्रकारपिन्त याना वयाच्चनागु हनेज्या नं लहनाया छगू विस्कं ज्या थें जितः ताः ।

लहनाया मेगु बिस्कं प्रस्तुति धइगु ब्लो अप जुयाच्चंगु थें नं जितः ताः । हिरो हिरोइनया ब्लो अप ला पिदनाच्चनी । अभ्र नेवाः पत्रपत्रिकाय् ला उकथंया ब्लो अप नं मदु । थौंय दिनय् वयाः गुलिं पत्रिकां ब्लो अप पिकाय्गु याःगु दु । तर पत्रिकाया नियमित स्तम्भ थें स्थापित धाःसा अभ्र याय् थाक्याच्चंगु खनेदु । अज्याःगु अवस्थाय् लहना वाःपति शुरुवाती इलनिसें थःथःगु ख्यलं

पत्रिका पिकाय्चने फइ ?' उकिया लिसः जिं थौं थ्व हे पत्रिकापाखें बी । 'लहना वाःपौ पिहां वयाच्चनी, मदक्क पिहां वयाच्चनी । गबलेतक्क ल्हाःलिसे ल्हाः माः हनाः छगू टिमवर्क जुयाच्चनी, अबलेतक्क लहना वाःपौ पिहां वयाच्चनी । नेवाःतय्युगु नुगलय्, नेवाः पत्रपत्रिकाया पाठकपिनिगु नुगलय् नेवाः पत्रकारिता ख्यःया विकास याय् माः धकाः गबलेतक्क मती लुयाच्चनी, अबलेतक्क लहना वाःपौ पिदनाच्चनी । गबलेतक्क थुकथं सकसिगु ग्वाहालि दयाच्चनी, लहना वाःपौया पुचः अबलेतक्क हे सक्रिय जुयाच्चनी, लहना वाःपौ पिथना हे च्वनी ।

## हिरोइन् जूपि 'मिस नेपाल'

कलिउडय् थ्व दंबदं न्हयः खनेदय्कःवःपिं निम्ह मिस नेवाः धइपिं मलिना जोशी व सृष्टि श्रेष्ठ खः । सृष्टि श्रेष्ठयात थःगु न्हापांगु संकिपा 'गाजलु'स अनमोल के.सी. थेंजाःम्ह लोकंहवाम्ह हिरोया हिरोइन् जुइगु हवःताः चूलात । संकिपा नं सुपर हिट हे जुल । तर वयागु मेगु संकिपा धाःसा पिदंगु मदुनि ।



विजयरत्न असंबरे

नेपालय् दकलय् न्हापांगु ब्यूटी कन्टेस्टसन् १९९४य् मिस नेपालया नाम जुगु खः । हिडन ट्रेजरया ग्वसालय् जुया वयाच्चंगु थुगु कासाया न्हापांगु संस्करण सन् १९९४य् जूबललय् 'मिस नेपाल' जुइत ताःलाःम्ह रुबी राणा खः । रुबी राणा हे संकिपाय् पलाः न्ह्याकूम्ह न्हापांम्ह 'मिस नेपाल' नं खः । थौं स्वयां नीदैं नीन्यादै न्हयः राजेश हमाललिसे 'अनमोल' नांयागु संकिपा म्हितुगु खःसा व धुंकाः सुनिलदत्त पाण्डेलिसे 'भुतुकै भएँ नि' नांयागु संकिपा म्हितल । थुगु निगुलिं संकिपां बजार काय्मफुत । रुबी राणां लिपांगु इलय् वयाः 'अन्तराल' संकिपाया लुखां हाकनं छक्कः संकिपाय् 'रि-ईण्ट्र' यात । व धुंकाः 'आधी बाटो' व 'शिशा' नांयागु संकिपा नं म्हितल, तर सपोर्टिंग रोलय् रि-ईण्ट्र जुइत याःगु कुतः नं ताःलाय्मफुत ।

थुगुनेया मिस नेपाल निकिता चण्डकं नं संकिपापाखे पलाः न्ह्याकूगु दु । निकितां म्हितेगु धकाः क्वःज्युगु 'रानी महल' संकिपायात कयाः उलि बांलाःगु खँ पिहां वयाच्चंगु मदु, अय्सां निकिताया नं हिरोइन् जुइगु ईच्छा दु धइगु खँ धाःसा सीदत । थथे कलिउडय् हिरोइन् जूपिं मिस नेपालतय्गु यात्रा स्वय्गु खःसा उलि ताःलाःगु धाःसा खनेमदु । आःतक्क मुक्कं नीस्वम्ह मय्जुपिं मिस नेपाल जुइधुकलसा उकी गुम्हेसिन कलिउडय् दुहावनेगु कुतः याःगु खनेदु ।

अजुचायापुसेचंगु खँ ला छु धाःसां मिस नेपाल हे जुइत ताःलाःपिं बाहेक मेमेगु ब्यूटी कन्टेस्ट त्याकूपिं वा मिस नेपालय् ब्वति कयाः मेमेगु उपाधि त्याकूपिं धाःसा संकिपाय् दुहावःगु उलि खनेमदु । उकी मध्य सन् १९९७य् भरना बज्राचार्य 'मिस वर्ल्ड नेपाल' जूगु इलय् फर्स्ट रनर अप जूम्ह मिनाक्षी वन्दना शर्मा छम्हेसिन हे जक संकिपाय् अभिनय याःगु दु, तर खस नेपाली संकिपाय् मखु, हिन्दी टेलिसिरीयलय् । मिनाक्षी भारतय् 'हम फिर



मिलेगे', 'करीना करीना', 'कोट्टो' नांयागु छुं छुं हिन्दी टेलिसिरीयल म्हितल, तर वयागु पलाः नं अन क्वातुइ मफुत ।

मिनाक्षी फर्स्ट रनर अप जूबलय् 'मिस वर्ल्ड नेपाल' जूम्ह भरना बज्राचार्य कलिउडय् जक मखसैं बलिउडय् तक नं हिरोइन् जुइगु कुतः यात । नेपालय् शूटिंग जूगु हिन्दी संकिपा 'लभ ईन नेपाल'य् तक्क म्हितूम्ह भरनाया न कलिउड यात्रा न त बलिउड यात्रा तालाय्फत । 'हतिंया' नांयागु संकिपाय् डेब्यू याःम्ह भरना बज्राचार्य 'शुभकामना', 'कोही मेरो', 'सिउँदोको सिन्दुर', 'भाइटिका', 'संजीवनी' थेंजाःगु भिगू भिन्वागुति संकिपा म्हितल, तर हिट हिरोइन्या दर्जा काय् मखं । उकिसनं भरनाया 'सेफ ल्याण्डिङ्ग', 'रंगीन मनशाय' व 'दिदी बहिनी' थेंजाःगु संकिपा पिहां हे वय् मफुबलय् वयात कयाः संकिपा दय् कीपिं हे मदयावन । भरनां लिपा वना 'सेफ ल्याण्डिङ्ग' संकिपाया निर्माता राहुल अग्रवाललिसे इहिपाः यानाः जीवनया सेफ ल्याण्डिङ्ग यात ।

सन् २००२ या मिस नेपाल मालिभका सुब्बा हिरोइन् जुइगु कुतः मयाःगु ला मखु, तर वं म्हितूगु न्हापांगु संकिपा 'गुडबाई

काठमाण्डौ' नांयागु संकिपा रिलिज हे मज्बूलय् वयागु हिरोइन् जुइगु ईच्छा अथेहे तुं लात । मेम्ह मिस नेपाल सुमी खडकां नं 'ग्रहण' नांयागु संकिपाया लुखां थःत हिरोइन्या रुपय् न्हयब्वय्गु कुतः यात । थ्व संकिपाया बनेज्या नं ताःमलात । अनं लिपा भुवन के.सी. थेंजाःम्ह नांजाःम्ह स्टारं सुमीयात 'सुपरस्टार' संकिपाय् हिरोइन् दय् कल । थ्व संकिपा नं प्लप जूबलय् सुमी खडकाया यात्रा दित ।

कलिउडय् थ्व दंबदं न्हयः खनेदय् कःवःपिं निम्ह मिस नेवाः धइपिं मलिना जोशी व सृष्टि श्रेष्ठ खः । सृष्टि श्रेष्ठयात थःगु न्हापांगु संकिपा 'गाजलु'स अनमोल के.सी. थेंजाःम्ह लोकंहवाम्ह हिरोया हिरोइन् जुइगु हवःताः चूलात । संकिपा नं सुपर हिट हे जुल । तर वयागु मेगु संकिपा धाःसा पिदंगु मदुनि । थौंन्हय् सृष्टि थःगु फिल्मी क्यारियर स्वयां कलिउडया हिरो सौगात मल्ललिसेया यःत्यःया यात्राय् न्ह्याः वनाच्चंगु खनेदु । अथेहे तुं मलिना जोशीं नं सन् २०१३य् 'ऋतु' संकिपापाखें न्ह्याकूगु यात्रा 'भुम्की', 'सरक्षण', 'लीला' व 'द वीनर' थेंजाःगु आपालं संकिपातक थ्यंकूसां वयागु पलाः नं आःतक थातय्



लाय्फूगु मदुनि ।

थुकथं न्ह्यानाच्चंगु 'मिस नेपाल'तय्गु हिरोइन् जुइगु यात्रा आःतक उलि ताःलाःगु खनेमदुनिसा कलिउडय् थःगु पलाः न्ह्याकूपिं मेमेपिं मध्य मालिभका सुब्बां लिपा वनाः 'फिल्म प्रोड्यूसर'कथं 'हाउ फन्नी' संकिपाय् लाय् तःगु खनेदतसा रुबी राणां लिपा वनाः क्यारेक्टर आर्टिस्ट जुइगु तक्क कुतः यात । थुपिं बाहेक जेनिशा मोक्तान, उषा खड्गी, ईशानी श्रेष्ठ नं संकिपालिसे स्वापू तःपिं 'मिस नेपाल' खः । आपासिनं थः मिस नेपाल जुइधुंकाः संकिपाय् स्वापू क्वातुकेत स्वःगु खनेदुसा सन् २०१३या मिस नेपाल ईशानी श्रेष्ठ धाःसा थः मिस नेपाल जुइ स्वयां यक्व हे न्हयः मचाबलय् हे बाल कलाकारया रुपय् कलिउडय् पलाः न्ह्याकूगु खः ।

एक्शन स्टारया रुपय् नांजाःम्ह शिव श्रेष्ठया मू भूमिका दुगु 'लक्ष्मण रेखा' नांयागु संकिपाय् बाल कलाकार जुयाः म्हितूम्ह ईशानी श्रेष्ठ उगु दैय् नेपाल चलचित्र संघ

ग्वसाः ग्वःगु 'मोशन पिक्चर एवार्ड'य् 'बेस्ट चाईल्ड आर्टिस्ट'या सिरपाः तक्क त्याकेत ताःलाःगु खः । अथेहे तुं सन् २००९या मिस नेपाल जेनिशा मोक्तान आर्यन सिग्देल व नम्रता श्रेष्ठ दुगु 'मेरो एउटा साथी छ' नांयागु संकिपाय् साइड रोल म्हितूगु खः ।

आः वयाः सन् २००० या मिस नेपाल उषा खड्गी नं कलिउडय् ईण्ट्र जुइत्यंगु दु, तर हिरोइन् कथं धाःसा मखु, प्रोड्यूसर कथं । खुतुं उषा खड्गीं छुं छुं म्यूजिक भिडियो व विज्ञापनय् अभिनय नं याःगु दु । तर पूर्व मिस नेपाल उषा खड्गीं प्रोड्यूसर कथं 'आउँदै जाँदै' नांया संकिपा दय्केत्यंगु खः । थुगु संकिपाया निर्देशन नं मेपिं सुनां मखसैं उषाया हे जहान जि.पि. तिमिल्सिनां याय्त्यंगु खः । छम्ह सञ्चारकःमिया रुपय् नांजाःम्ह जि.पि. तिमिल्सिनाया संकिपा निर्देशकया रुपय् न्हापांगु पलाःकथं न्ह्याइगु थुगु संकिपाया पलाः धाःसा आःतकया दुने औपचारिक घोषणा ज्याइवः स्वयां अप्वः न्ह्याःवंगु मदुनि ।

**पत्रकार आचार संहिता, २०७३ (पहिलो संशोधन २०७६)का पालना गारौं ।**

• विभत्स दृश्य र तस्बिर प्रकाशन/प्रसारण नगरौं


• पत्रकार तथा संचार माध्यमले समाजमा हिंसा, निराशा, घृणा, सन्त्रास र उत्तेजना फैलाउने किसिमका समाचार श्रव्यदृश्य सामग्री प्रकाशन/प्रसारण गर्नु हुँदैन ।

• पत्रकार तथा संचार माध्यमले हत्या, आत्महत्या, बलात्कार, दुर्घटना जस्ता कारणबाट सिर्जित, नग्न, क्षतविक्षत र विभत्स दृश्य एवं तस्बिरहरू सम्प्रेषण गर्नु हुँदैन ।



नेपाल सरकार

सञ्चार तथा सूचना प्रविधि मन्त्रालय  
सूचना तथा प्रसारण विभाग





विष्णु: नृपेन्द्रलाल श्रोष्ठ

हरना  
LAKHNA WEEKLY



## किपूया विकास निर्माणय् नगरपालिकाया सक्रियता

किपू नगरपालिकाया योजनाय् नियमित अनुगमन याय्गु इवलय् अनुगमन टोलिया कजि कीर्तिपुर नगरपालिकाया उप-प्रमुख सरस्वती खड्काया नेतृत्वय् थीथी थासय् अनुगमन जूगु दु। उकिया इवलय् वडा नं. ३ समलय् दय्काच्चंगु सामुदायिक भवन, वडा नं. २ स गःसिइ ढलान याय्गु लै, वडा नं ३ य् विश्व राष्ट्रिय मा.वि. पाखें सल्यानस्थानय् वनेगु लैय् याःगु पीच लिसें वडा नं. ४ कार्यालय दुगु चम्पादेवी बाघभैरव वनेगु लैय् दय्काच्चंगु सतकया निरीक्षण व

अनुगमन याःगु दु। अथे हे, वडा नं. ६ स दय्काच्चंगु लिच्छिविकालिन जालपादेवी देगः व वडा नं. ६ या हे वडा भवनया प्यंगु तल्लाया ढलानया अनुगमन याःगु खः।

अनुगमन टोलिइ प्रमुख प्रशासकीय अधिकृत सीता परियार, वरिष्ठ ईन्जिनियर बालकृष्ण महर्जन, प्राविधिक चाँदनी थापा, अनुगमन समितिया सदस्यापि वडा नं. ४ या अध्यक्ष राजेन्द्र वानियाँ व अनुगमन समितिया सदस्य नाप वडा नं ३ या सदस्य नन्ददेवी महर्जनपि दुगु ख।

## समाजया मार्गदर्शनय् संचारमाध्यमया भूमिका महत्वपूर्ण जुइगु मन्त्री श्रेष्ठया धापू

शहरी विकासमन्त्री कृष्णगोपाल श्रेष्ठ थतः सफल व असफल दय्केगुलिइ सञ्चारमाध्यमया महत्वपूर्ण भूमिका दइगु धयादीगु दु। मन्त्रालयया जिम्मेवारी कथाय् धुंका नेपाल मिडिया सोसाइटीया पदाधिकारीयात नापलानाः वयकलं ज्याया आधारय् मुल्याङ्कन याय्त् इनाप यानादिल।

‘जि व जि’ कःधानागु मन्त्रालयया अधिकारीया ज्याया आधारय् जक मुल्याङ्कन यानाः सत्य तथ्य समाचार संप्रेषण याय्त् इनाप दु’ मन्त्री श्रेष्ठ धयादिल। ‘जिगु ज्याया बारे छिकपिन्त जानकारी हे दु, सरकार व आम जनता अपेक्षा याःगु कथं ज्या याय्त् जि प्रतिवद्ध दु।’

मन्त्रीया जिम्मेवारी काय्धुंकाः आः

थःगु अगिन परिक्षा शुरु जुल धइगु खँ थम्हं वाःचाःगु मन्त्री श्रेष्ठया धापू खः। अगिन परिक्षा सुथां लाय्गु निति संचारमाध्यमया ग्वाहालि महत्वपूर्ण जुइगु श्रेष्ठ धयादिल।

व इवलय् मिडिया सोसाइटीया नायः शुभ शंकर कडेलं सकारात्मक ज्याय् मिडियाया समर्थन न्ह्याबलें दइगु धयादिले’ आलोचनात्मक समाचारया विषयस सरकारं तत्काल टिप्पणी याय् मज्यूगु सुभावा बियादिल। नेपाल समाचारपत्रया प्रबन्ध सम्पादक दिरेकलाल श्रेष्ठ जनतानलिसे तप्यं स्वपू दुगु मन्त्रालय जुगुलि जनताया हित कथं ज्या याय्गु तःधंगु वःताः तर्क खःगु बिचाः तयादिल।

### कृष्णगोपाल...

थनया सम्पदा, संस्कृति या उचित संरक्षण व विकास यानाय्कूसा थुकियात हे आर्थिक पक्षलिसे स्वानाः स्थानीय जनताया आर्थिक स्तर तर्क थकायेफइगु छ्याता नेवाः पत्रकारतय्सं ब्यूगु खः। दुर्गामी सोच व अध्ययन विना सडक विस्तारया नामय् स्थानीयया छँ लाक्वपाक्व थुनाबीगु याःबलय् गुलिसिया बाय् हे मदय्क च्वेनेमाःगु अवस्थाया बारे नं नेवाः पत्रकारतय्सं मन्त्री श्रेष्ठयात जानकारी याकूगु खः।

पत्रकारतय् खँ न्येधुंकाः मन्त्री श्रेष्ठ थम्हं नेवाःतय् संस्कृति, परम्पराया संरक्षण यासें विकास निर्माणया ज्या न्ह्यःने यंकूगु धयादीगु खः। स्वनिगःया थीथी थासय् लै तब्या यायेगु, न्हूगु लै दयेकेगु ज्याय् यक्व नेवाःतय् छँ बुँ लानाच्चंगु, नेवाः परम्परा संस्कृति न्हनीकथं जुयाच्चंगु खँ वयाच्चंगु थःत जानकारी दुगु धासें वय् कलं थज्याःगु थासय् स्थानीययात नं क्षति मजुइकथं, सरकारयात नं क्षति मजुइकथं ज्या यायेगु धयादिल। स्थानीयया दथुइ थः हे वनाः सकललिसे सम्वाद यासें समस्या ज्यंकेगु प्रतिवद्धता वय्कलं प्वकादिल। ‘आः जनता हे शासन याइगु पद्धती वःगु दु, जि नं जनता ल्ययाः मन्त्री दयेकाब्यूम्ह जनता हे खः,’ श्रेष्ठ धयादिल। ‘आः मन्त्री जुल धायेगु जनताया दथुइ वनेमज्यूगु, खँ ल्हायेमज्यूगु मखु। जि थः दाजुकिजा, तःकेहँपिलिसे च्वनाः सहलह ब्याकाः समस्याया समाधानपाखे वने।’

शहरी विकास मन्त्रालयस नेवाःत हयाः नेवाः विरुद्ध नेवाःयात हे छ्यलेत्यंगु

खःला धइगु आशंका समाज दथुइ दुगु थम्हं चाःगु धासें वय्कलं राज्यमन्त्री रामबीर मानन्धरलिसे जानाः निम्ह नापनाप न्ह्याःवनेगु नं स्पष्ट यानादिल। आशा व आशंकाया परिस्थितीयात बांलाक थूम्ह मन्त्री श्रेष्ठ आः आशंका निवारण यासें आशाया निराशाय् महिलागु कथं पलाः न्ह्याके आवश्यक जू।

### विदेशी...

क्लिनिफिडसहित च्यानल प्रसारण मजूस कानून बमोजिम कारवाही जुइगु मन्त्रालयं धाःगु दु। आः विज्ञापन क्यंसा विदेशी च्यानल बन्द जुइगु कानुनी व्यवस्था दु। २०७५ कार्तिक ८ गते राजपत्रय् प्रकाशित ऐनं क्लिन फिडय् वनेगु सेवा प्रदायकपिन्त दिच्छया ई ब्यूगु खः।

नेपाल केबल टेलिभिजन महासंघया कथं आःतक ३२ जक विदेशी च्यानल प्रशाण जुया वयाच्चंगु खः। प्याकेजय् न्याय्गु व सितिक क्यनीगु करिब सच्छि व ८० स्वयां अप्वः च्यानलया प्रसारण तत्कालया लागिं धाःसा बन्द जूगु दु। टेलिभिजन प्रसारकया प्याकेजय् ९२ च्यानलमध्ये ६० च्यानल जक आः क्लिन फिड च्यानल बिया वयाच्चंगु खः।

‘जी’या १२ गु व सोनीया च्यागू च्यानल क्लिन फिड सहित प्रसारण जुया वयाच्चंगु दु। तर, कार्टून च्यानल, बीबीसी, अलजजिरा, स्टार्स व कलर्स प्याकेजया च्यानल तत्काल नेपालय् प्रसारण जुइगु कम जुयावःगु दु। लिसें आः फुटबल, क्रिकेटलिसें आइपिएल प्रसारण जुयावःगु स्पोर्ट्स च्यानल नं बन्द जुगु दु।

## नयाँ बजारय् ग्याँस विष्फोटया हुनिं खबरसेण्टरया ज्याकुथिइ क्षति

यँया नयाँ बजार फलफूलचोकय् दुगु छ्खा छँय् ग्याँस सिलिण्डर मुयाः खबरसेण्टर डट कमया ज्याकुथिइ तर्क क्षति जूगु दु। कृष्ण कार्कीया छँय् ग्याँस मूबलय् खबरसेण्टरया निगः ल्यापटप व निगः कम्प्युटरय् क्षति जूगु खबरसेण्टरया सम्पादक उत्तम श्रेष्ठ कनादीगु दु। ज्या यानाच्चनागु इलय् तस्सलं विष्फोट जूगु व उगु विष्फोट ज्याकू दुगु कोथाया इयाःया

खाः तर्क तज्याःगुलिसें निगः ल्यापटप अले निगः कम्प्युटर यानाः करीब निगु लाख बराबरया क्षति जूगु सम्पादक श्रेष्ठ धयादिल।

ग्याँस मुयाः उगु थासय् चर्चिप ११ घाःपाः तर्क जूगु दु। घाःपाः जूपिन्त वासः याय्गु निति मनमोहन अस्पताल थँबर्हिलिइ यंकूगु खः।

थ्व हे दथुइ, शहरी विकास राज्यमन्त्री

रामवीर मानन्धर अले यँ महानगरपालिका प्रमुख विद्यासुन्दर शाक्य घटना जूगु छँया निरीक्षण गरेका छन्। निरीक्षण धुंकाः राज्यमन्त्री मानन्धर पिडीततय्गु राहतया लागिं आवश्यक पहल याय्गु धयादिल। अथे हे, महानगर प्रमुख शाक्य विष्फोटया हुनिं जूगु क्षतिया मुत्तुल्का कयाः आवश्यक प्रक्रिया पूर्वकाः पिडीतयात राहत उपलब्ध याकेगु प्रतिवद्धता प्वकादिल।



## Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।



## समुन्नत नेपालको यात्रामा हाम्रो साथ रिलायन्स साना तथा मझौला कर्जा योजना

- नयाँ वा चालु कुनै पनि व्यवसायको लागि कर्जा लिन सकिने
- सरल कर्जा प्रकृया
- रुपमा कर्जा प्रदान गर्न सकिने
- सुलभ ब्याजदर
- व्यवसायको आवश्यकता अनुसार अवाधिक वा चालु पूँजीको
- देश भर शाखा सञ्जाल भएको



## RELIANCE FINANCE LIMITED

### रिलायन्स फाइनेन्स लिमिटेड

**Head Office:** B.J. Bhawan, Pradarshani Marg, Kathmandu. Tel: 01-4223117, 4261104, 4261041, 4261167

|                                                         |                                                     |                                                  |                                                         |
|---------------------------------------------------------|-----------------------------------------------------|--------------------------------------------------|---------------------------------------------------------|
| <b>Dharmapath, New Road</b><br>Tel: 01 4245104, 4245105 | <b>Sitapaila, Kathmandu</b><br>Tel: 01 5233397/398  | <b>Imadol, Lalitpur</b><br>Tel: 01 5201704/750   | <b>Banepa, Kavre</b><br>Tel: 011 663244                 |
| <b>Shahid Chowk, Narayangarh</b><br>Tel: 056 533598     | <b>Tandi, Chitwan</b><br>Tel: 056-593269/593401     | <b>Besisahar, Lamjung</b><br>Tel: 066-520815/816 | <b>Mahendrapool, Pokhara</b><br>Tel: 061 523581, 530983 |
| <b>Bank Road, Gorkha</b><br>Tel: 064 420278             | <b>Arughat, Gorkha</b><br>Tel: 064 410172/173       | <b>Manigram, Rupandehi</b><br>Tel: 071 562902    | <b>Bhairahawa, Rupandehi</b><br>Tel: 071 590901/902     |
| <b>Kohalpur, Banke</b><br>Tel: 081 542154/174           | <b>Mahendranagar, Kanchanpur</b><br>Tel: 099 520440 | <b>Attariya, Kailali</b><br>Tel: 091 550033/084  | <b>Dhangadhi, Kailali</b><br>Tel: 091 523462            |
| <b>Charali, Jhapa</b><br>Tel: 023 460102                | <b>Damak, Jhapa</b><br>Tel: 023 582602/603          | <b>Birtamod, Jhapa</b><br>Tel: 023 540743/747    | <b>Dhulabari, Jhapa</b><br>Tel: 023 560391/392          |

info@relianceneपाल.com.np | www.relianceneपाल.com.np

Experience the satisfaction of Service

बित्तीय सेवाको जर्को परिभाषा

NBL

सुलभ

आवास

कर्जा

खुसीको सही ठेगाना...

मेरो घर, मेरा दासी नयाँ घरमा

वार्षिक ब्याजदर

७.९९%\*

१ वर्ष सम्म ब्याजदर परिवर्तन नहुने

विशेषताहरुः

- घर निर्माण/खरिद गर्न
- घर निर्माण लागतको १००% सम्म कर्जा
- ३ कार्य दिन भित्र निर्णय\*

नेपाल बैंक लिमिटेड

NEPAL BANK LIMITED

प्रधान कार्यालय: धर्मपथ, काठमाडौं

फोन नं.: ०१-४२४७९९९, टोल फ्री नं. १६६००१३७३७३

नेपालको पहिलो बैंक

www.nepalbank.com.np

Binod Maharjan

9841369552, 9808644666

बि.आर्ट्स

B. Arts

Nayabazar, Kirtipur

4335491, b\_arts@hotmail.com

Banner, Flex Board

Glow Sign Board

Sticker Cutting / Printing

Screen/ Rubber Print

Self-ink/ Rubber Stamp

PVC(IDV) Visiting Card

& all kinds of press works

कोरोनाका महामारी सुरक्षित जुडित लकडाउनका पूर्ण पालना खानादिसै लकडाउनका अवलम्ब राहत माःसा, एम्बुलेन्स माःसा वा खुर्च कर्थका उवाहालि माःसा छवय बिजातइगु फोन नम्बरका स्वापू तयादिसै

एम्बुलेन्सका नितिः १०२

राहत व मेमेगु गवाहालिया नितिः टोल फ्री नं. ११८० व ११३१

6ft

Avoid close contact

Wash hands often

Wash your hands often

Stay at home

Stay at home

Healthy lifestyle

Healthy lifestyle

चौ महानगरपालिका

काठमाडौं महानगरपालिका

हरिनगर, सुन्धारा

सेमिनार वा कार्यक्रमका निति लञ्च बक्सका डोर टु डोर सर्भिस यायगु नं व्यवस्था दु। नापं स्पेशल कुल्फी व बर्थ डे केक नं उपलब्ध दु।

Delicious Sweets

बिगबेल

BIG BELL

Sweet & Snacks Pvt. Ltd.

Kamaladi, Ganeshthan

Kathmandu, Nepal

Tel: 01-4247075, 014244323

छत्रपाटी निःशुल्क चिकित्सालय

२०१३

उपलब्ध सेवा

२४ सै घण्टा सेवा

दीन, दुखी व असहायपिन्त निःशुल्क स्वास्थ्य सेवा प्रदान।

दानी, सुखी व सम्पन्नकात सशुल्क स्वास्थ्य सेवा वरदान।।

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

शल्यक्रिया

मोतिबिन्दु

जनरल सर्जरी

नहायपं, नहाय, गपः

हाड जोर्नी नशा

पिसाव नलीका पत्थर बिना चिरफार

बहिरङ्ग सेवा

मुटु लवय

प्वाःका लवय

युरोलोजी

मिसा लवय

मचा लवय

वाया लवय

मिसा लवय

अन्य सेवा

इन्सिङ्ग

ईण्डोस्कोपी

कोलोनोस्कोपी

फिजियोथेरापी

अल्ट्रासाउण्ड, कलर डप्लर व इको

युरोपेली स्तरका दन्त प्रयोगशाला

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९११, ४२६६२२९, E-mail:cfclinic@mail.com.np, www.free-clinic.org.np

प्रकाशक व समाचार सम्पादक : नृपेन्द्रलाल श्रेष्ठ (१८५१०९८०९५) • सम्पादक : जुजुमान महर्जन • प्रबन्ध सम्पादक : सुरेन्द्रभक्त श्रेष्ठ (१८५१०९९४७२), भोर्ले, यै। email: lahanaweekly@gmail.com • मुद्रक : स्वतकाली छापाखाना, यै।